



Bosna i Hercegovina
Federacija Bosne i Hercegovine
Tuzlanski kanton
GRAD GRADAČAC

H.K. Gradašćevića 54, 76 250 Gradačac, telefon 035-369-750, fax. 035-369-751, e.mail: opc.grad@bih.net.ba, www.gradacac.ba

Prijedlog

Na osnovu člana 13. Zakona o principima lokalne samouprave FBiH („Sl. novine F BiH“, br: 49/06 i 51/09), Zakona o zaštiti ličnih podataka („Sl. glasnik BiH“ broj: 49/06, 76/11 i 89/11) i člana 6. stav. 1. tačka 2. Statutarne Odluke o organizaciji Grada Gradačac u skladu sa Zakonom o Gradu Gradačac („Službeni glasnik Grada Gradačac“ br: 1/19), Gradsko vijeće Grada Gradačac, na sjednici od ____ 2020. godine, donosi :

O D L U K U

O uspostavljanju sistema za video nadzor na području Grada Gradačac

Član 1.

Uspostavlja se sistem za video nadzor na području Grada Gradačac (u daljem tekstu: video nadzor).

Video nadzor bit će postavljen na užem gradskom području te na ulazu i izlazu iz grada, najfrekventnije saobraćajne punktove i mjesta okupljanja građana, te druge lokacije određene aktom kontrolora koji će obavljati video nadzor i nadležne Gradske službe.

Član 2.

Video nadzor se uvodi iz razloga povećanja sigurnosti i zaštite građana i imovine, prevencije u sprečavanju kriminalnih radnji, provođenja policijskih poslova radi rasvjetljavanja počinitelja prekršaja odnosno krivičnih djela, kontrole saobraćaja u pokretu i mirovanju kao i sigurnosti svih učesnika u saobraćaju.

Član 3.

Nabavku, ugradnju i tekuća održavanja video nadzora osigurat će Grad Gradačac, kao vlasnik.

Član 4.

Ovlašćuje se Gradonačelnik da nakon ugradnje video nadzora, isti može predate na upravljanje i korištenje kontroloru iz člana 5. ove Odluke.

Član 5.

Ministarstvo unutrašnjih poslova Tuzlanskog kantona odnosno nadležna Policijska stanica Grada Gradačac ovlašćuje se da, kao kontrolor, vrši video nadzor u skladu sa odredbama ove Odluke i odredbama Zakona o zaštiti ličnih podataka BiH.

Kontrolor je obavezan donijeti Odluku kojom će se bliže definisati uslovi korištenja video nadzora u skladu sa članom 21.a Zakona o zaštiti ličnih podataka (Sl. glasnik BiH“ broj: 49/06, 76/11 i 89/11) .

Član 6.

Ova Odluka stupa na snagu osmog dana od dana objavljivanja u „Službenom glasniku Grada Gradačac“.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC

- Gradsko vijeće -

Broj: _____
Gradačac, _____ 2020 .god.

PREDSJEDAVAJUĆI
GRADSKOG VIJEĆA

Kujraković Husein, s.r.

Obrazloženje Odluke ouspostavljanjusistemaza video

nadzornapodručju Grada Gradačac

Članom 13. Zakona o principima lokalne samouprave FBiH („Sl. novine F BiH“, br: 49/06 i 51/09) propisano je da „Organ odlučivanja jedinice lokalne samouprave je općinsko vijeće u općini, a gradsko vijeće u Gradu“.

Članom 21.a Zakona o zaštiti ličnih podataka („Sl. glasnik BiH“ broj: 49/06, 76/11 i 89/11) (Obradilični podatak putem video-nadzora) propisano je da :

(1) Snimci pohranjeni putem video-nadzora na određenom prostoru na osnovu kojih se može identifikovati nosilac podataka predstavljaju zbirku ličnih podataka.

(2) Kontrolor koji vrši video-nadzor dužan je da donese odluku koja će sadržavati pravila obrade s ciljem poštovanja prava na zaštitu privatnosti i ličnog života nosioca podataka, ako video-nadzor nije propisan zakonom.

(3) Kontrolor koji vrši video-nadzor dužan je da na vidnom mjestu istakne obavještenje o vršenju video-nadzora i kontakt putem kojeg se mogu dobiti pojedinosti o video-nadzoru.

Članom 6. stav 1. alineja 2. Statutarne Odluke o organizaciji Grada Gradačacu skladu sa Zakonom o Gradu Gradačac („Službeni glasnik Grada Gradačac“ br: 1/19), propisano je da Vijeće u okviru svojih nadležnosti „donosi odluke i druge opće akte kojima uređuje pitanja iz samoupravnog djelokruga Grada“

Video nadzornapodručju Grada Gradačac se uvodi iz razloga povećanja sigurnosti i zaštite građana i imovine, prevencije u sprečavanju kriminalnih radnji, provođenju policijskih poslova i rasvjetljavanju počinilaca prekršaja i odnosa krovni djela, kontrole saobraćaja u pokretu i mirovanju kao i sigurnosti svih učesnika u saobraćaju. Slijedom iznesenog predlaže se gradskom vijeću da usvoji navedenu Odluku.

Obradivač:

Predlagač:

Gradska služba urbanizam, investicije
Gradonačelnik
i komunalne poslove